



Broj: 04-14-24790/17
Sarajevo, 12.01.2018. godine

Na osnovu člana 69. stav (3) i člana 70. Zakona o javnim nabavkama Bosne i Hercegovine („Sl. glasnik BiH“, broj: 39/14), ministar saobraćaja Kantona Sarajevo na osnovu preporuke Komisije za javnu nabavku donosi:

ODLUKU
o poništenju postupka javne nabavke

1. Poništava se otvoreni postupak javne nabavke za nabavku minibusa za javni gradski prijevoz broj obavještenja objavljenog na portalu javnih nabavki pod rednim brojem 1242-1-1-9-3-9/17 od 08.08.2017.godine, kao i cjelokupna tenderska dokumentacija sa svim donesenim aktima u ovom postupku javne nabavke.
2. Ova Odluka će se objaviti na Internet stranici Ministarstva saobraćaja Kantona Sarajevo u skladu sa članom 70. stav 6. Zakona o javnim nabavkama Bosne i Hercegovine („Sl. glasnik BiH“, broj 39/14).

O b r a z l o ž e n j e

Poništava se postupak javne nabavke pokrenut Odlukom o pokretanju postupka broj: 04-14-24790-1/17 dana 27.07.2017.godine. Javna nabavka je provedena u otvorenom postupku u skladu sa članom 25. Zakona o javnim nabavkama. Ugovorni organ je objavio obavještenje za nabavku minibusa za javni gradski prijevoz broj obavještenja objavljenog na portalu javnih nabavki pod rednim brojem 1242-1-1-9-3-9/17 od 08.08.2017.godine.

Dana 21.09.2017.godine, potencijalni ponuđač Transturist d.d. Tuzla uložio je žalbu ugovornom organu na tendersku dokumentaciju koja je proslijeđena drugostepenom organu na nadležno postupanje.

Ugovorni organ je dana 29.12.2017. godine, putem centralnog protokola zaprimio rješenje Ureda za razmatranje žalbi broj: JN2-01-07-1-685-7/17 od 06.12.2017. godine, kojim je žalba usvojena te poništena cjelokupna tenderska dokumentacija za nabavku- Nabavka novih minibusa za javni gradski prijevoz, kao i svi kasnije doneseni akti u ovom postupku javne nabavke.

Rješenjem Ureda za razmatranje žalbi usvojeni su navodi potencijalnog ponuđača Transturist d.d. Tuzla koji se odnose na obavezno posjedovanje ASR,ABS na obje osovine EBS, gdje je navedeno da je ugovorni organ trebao jasno da se izjasni koja je opravdana potreba za dodatnom opremom predmeta nabavke, te s tim u vezi utvrdio da je ovaj zahtjev diskriminatorski određen, shodno tome ugovorni organ će u slučaju ponovnog pokretanja postupka postupiti po preporukama Ureda za razmatranje žalbi ne pružimajući bilo kakvu odgovornost u slučaju nastanka negativnih posljedica usljed ne posjedovanja elektroničkog kočionog sistema EBS. Ured za razmatranje žalbi usvojio je i navod potencijalnog ponuđača Transturist d.d. Tuzla koji se odnosi na tačku 1.4. Tenderske dokumentacije odnosno ekonomsku i finansijsku sposobnost, konkretno da su navedeni samo dokazi (bilans stanja, bilans uspjeha), a ne i uslovi u pogledu ekonomske i finansijske sposobnosti, što predmetnu tendersku dokumentaciju čini suprotnu odredbama Zakona o javnim nabavkama što ima za cilj poništenje postupka u cjelosti.



Imajući u vidu navedeno, te cijeneći odredbe člana 69. stav (3) Zakona o javnim nabavkama, donesena je odluka kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi, putem ugovornog organa u roku od 10 (deset) dana od dana prijema odluke.



Dostaviti:

- Svim učesnicima u postupku
- Evidenciji
- Arhivi



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

